

**«ТАСДИҚЛАНГАН»**  
**«GROSS SUG'URTA KOMPANIYASI» AJ**  
**Бошқаруви раиси О.Х. Назаров**  
2024 йил 10 октябрь

**«GROSS SUG'URTA KOMPANIYASI» AJ'NING  
SAЁХАТЧИЛАРНИ СУҒУРТА ҚИЛИШ  
ҚОИДАЛАРИ**

(2024 йил 17 октябрдан жорий этилади)

**1-БЎЛИМ. УМУМИЙ ҚОИДАЛАР**

1.1. Ушбу Саёҳатчиларни суғурта қилиш қоидалари (бундан буён матнда Суғурта қоидалари деб юритилади) «GROSS SUG'URTA KOMPANIYASI» АЖда (Ўзбекистон Республикасининг қонунчилигига мувофиқ олинган Лицензия асосида фаолият юритади, бундан буён матнда Суғурталовчи деб юритилади) ўзбек, рус ва инглиз тилларида ишлаб чиқилган. Суғурта қоидаларига фаол ҳавола Суғурталовчининг сайтыда [https://gross.uz/public\\_offers/travel\\_pravila\\_uz.pdf](https://gross.uz/public_offers/travel_pravila_uz.pdf) манзили бўйича жойлаштирилган.

1.2. Ушбу Суғурта қоидалари Ўзбекистон Республикасининг амалдаги қонунчилигига мувофиқ, Умумий суғурта соҳасининг «Бахтсиз ҳодисалардан суғурта қилиш» 1-класси ва «Касаллик ҳолати учун суғурта қилиш» 2-класси бўйича Қоидалар асосида ишлаб чиқилган бўлиб, Ўзбекистон Республикасидан ташқарига/доимий яшаш мамлакатига/Суғурта қилинган шахс фуқароси бўлган мамлакатга/Суғурта қилинган шахсга яшаш гувоҳномасини берган мамлакатга чиқаётган (бундан буён матнда хорижга чиқаётган деб юритилади) саёҳатчиларни (Суғурта қилинган шахсларни) суғурта қилиш тартиби ва шартларини белгилайди.

1.3. Суғурта шартномаси Суғурталовчи томонидан ушбу Суғурта қоидаларига мувофиқ расмийлаштирилладиган Полисни ёзиб бериш йўли билан тузилади. Шу муносабат билан, ушбу Суғурта қоидаларига боғланган ҳолда, Полис суғурта шартномасининг юридик кучига эга ва қоғоз ёки электрон шаклда (бундан буён матнда Полис ёки Суғурта шартномаси деб юритилади) расмийлаштирилиши мумкин.

Суғурта полиси қоғоз шаклида 3 (учта) бир хил асл нусхадан иборат бўлиб, улардан бири Суғурта қилдирувчига, иккинчиси Элчихоналар ёки Консуллик муассасаларига (уни тақдим этиш талаби мавжуд бўлган тақдирда) берилади, учинчиси эса Суғурталовчининг вакилида қолади.

1.4. Ушбу Суғурта қоидалари асосида Суғурталовчи Суғурта қилинган шахсларга мазкур Суғурта қоидаларида назарда тутилган суғурта ҳодисаси юз берганида Суғурта қилинган шахсларнинг суғурта даврида ва Полис амал қилиши ҳудудида содир бўлган бахтсиз ҳодиса ва/ёки тўсатдан касалланиш натижасида тиббий, тиббий-транспорт ва бошқа харажатлари бўйича суғурта тўловини/суғурта таъминотини ташкил қилиш ва/ёки амалга ошириш, шунингдек Суғурта қилинган шахс вафот этган тақдирда суғурта таъминотини тўлаш кўринишида суғурта ҳимоясини тақдим этади.

1.5. Суғурта қилдирувчи ушбу Суғурта қоидалари асосида Шартнома тузган ҳолда, Суғурталовчига товарларни, ишларни, хизматларни бозорда илгари суриш мақсадида, шунингдек тузилган Шартноманинг бажарилишини таъминлаш, янги суғурта дастурлари ва суғурта маҳсулотлари тўғрисида хабардор қилиш мақсадида Суғурталовчи томонидан алоқа воситалари ёрдамида Суғурта қилдирувчи билан тўғридан-тўғри алоқаларни амалга ошириш йўли билан хизматлар сифатини баҳолаш мақсадида Суғурталовчига берилладиган ҳужжатларда мавжуд бўлган шахсга доир маълумотларга ишлов беришга розилигини билдиради.

Агар Суғурта қилинган шахс вояга етмаган шахс бўлса, Суғурта қилдирувчи шахсга доир маълумотларга қонунга мувофиқ, ишончнома ёки ваколатини тасдиқловчи бошқа ҳужжат асосида ишлов беришга розилик билдириб, унинг манфаатларини кўзлаб иш тутишини кафолатлайди. Шахсга доир маълумотларга ишлов бериш шахсга доир маълумотларни ҳам қоғоз, ҳам электрон манбаларда йиғиш, тизимлаштириш, тўплаш, сақлаш, аниқлаштириш (янгилаш, ўзгартириш),

улардан фойдаланиш, уларни тарқатиш (шу жумладан узатиш), эгасиз қилиб қўйиш, блоклаш, йўқ қилиш орқали амалга оширилади.

Суғурта қилдирувчининг мазкур розилиги Полисинг амал қилиши давомида ва суғурта муддати тугаганидан кейин кейинги 5 (беш) йил давомида амал қилади. Ушбу розилик Суғурта қилдирувчи томонидан Суғурталовчига тегишли ёзма ариза юбориш орқали қайтариб олиниши мумкин.

## 2-БЎЛИМ. ҚЎЛЛАНДИГАН АТАМАЛАР

Ушбу Суғурта қоидаларида қуйидаги асосий атамалардан фойдаланилади:

2.1. **Полис (Шартнома)** – ушбу Суғурта қоидалари асосида Суғурталовчи ва Суғурта қилдирувчи ўртасида расмийлаштириладиган ёзма битим бўлиб, унинг шартларига мувофиқ Суғурта қилдирувчи суғурта мукофотини белгиланган муддатда ва тўлиқ ҳажмда тўлаш мажбуриятини, Суғурталовчи эса суғурта ҳодисаси юз берган тақдирда суғурта суммаси доирасида суғурта тўловини/суғурта таъминотини амалга ошириш мажбуриятини зиммасига олади. Полис қоғоз вариантнинг намунавий шакли ушбу Суғурта қоидаларининг 1-иловасида келтирилган.

2.2. **Суғурта суммаси** – ушбу Суғурта қоидаларида ва Полисда кўрсатилган пул маблағлари суммаси бўлиб, у ўзи билан Суғурталовчининг ҳар бир Суғурта қилинган шахсга нисбатан суғурта тўловини/суғурта таъминотини амалга оширишга доир мажбуриятларининг энг юқори ҳажмини ифодалайди. Ушбу Суғурта қоидаларида Суғурта дастурига кирадиган ҳар бир хизмат бўйича, шунингдек Суғурта қилинган шахс бахтсиз ҳодиса натижасида вафот этганда мазкур суғурта бўйича суғурта суммалари белгиланган.

2.3. **Суғурта мукофоти** – Суғурта қилдирувчи ушбу Суғурта қоидаларида белгиланган тартибда ва муддатларда Суғурталовчига тўлаши шарт бўлган суғурта учун тўлов.

2.4. **Суғурта таваккалчилиги** – юз бериши ҳолати учун суғурта амалга ошириладиган эҳтимол қилинган ва тўсатдан юз берган ҳодиса. Ушбу Суғурта қоидалари шартларига кўра қуйидагилар суғурта таваккалчиликлари деб тан олинади:

– Суғурта қилинган шахснинг тўсатдан касалланиши ёки бахтсиз ҳодисага учраши муносабати билан тиббий, тиббий-транспорт ва бошқа хизматлар бўйича назарда тутилмаган харажатларнинг юзага келиши;

– Суғурта қилинган шахснинг вафот этиши.

2.5. **Суғурта воқеаси** – суғурта ҳодисаси белгиларига эга бўлган воқеа.

2.6. **Суғурта ҳодисаси** – Суғурта қилинган шахс билан суғурта даврида ва Полис амал қилиши ҳудудида суғурта таваккалчилиги юз бериши билан боғлиқ содир бўлган воқеа бўлиб, унинг натижасида Суғурталовчининг ушбу Суғурта қоидаларига мувофиқ суғурта тўловини ёки суғурта таъминотини амалга ошириш мажбурияти юзага келади.

2.7. **Суғурта тўлови** – Суғурта қилинган шахсга суғурта ҳодисаси юз бериши муносабати билан кўрсатилган хизматлар учун муассасаларга суғурта суммаси доирасида ва ушбу Суғурта қоидаларида белгиланган тартибда Суғурталовчи томонидан тўланадиган пул маблағлари.

2.8. **Суғурта таъминоти** – Суғурта қилдирувчига/Суғурта қилинган шахсга/Наф олувчига суғурта ҳодисаси юз бериши муносабати билан суғурта суммаси доирасида ва ушбу Суғурта қоидаларида белгиланган тартибда Суғурталовчи томонидан тўланадиган пул маблағлари.

2.9. **Полис амал қилиши даври** – Полисда кўрсатиладиган, Полис амал қиладиган ва ушбу Суғурта қоидаларининг 4-бўлими шартларига мувофиқ суғурта хизматлари кўрсатиладиган вақт оралиғи.

2.10. **Суғурта даври** – Полисда кўрсатилган кунлар сони бўлиб, унинг давомида ушбу Суғурта қоидаларининг шартларига мувофиқ Суғурталовчининг суғурта тўловини/суғурта таъминотини амалга ошириш бўйича мажбуриятлари амал қилади.

2.11. **Саёҳат** – Суғурта қилинган шахснинг хорижга кунлар сони билан ҳисобланадиган ҳар қандай сафари (саёҳат, ўқиш, спорт, ишлаш билан боғлиқ сафари, бундан даволаниш мақсадида амалга оширган сафари мустасно).

2.12. **Хизматлар** – Суғурта қилинган шахсга суғурта ҳодисаси юз берганида кўрсатиладиган, Суғурта дастурида назарда тутилган тиббий, тиббий-транспорт ва бошқа хизматлар.

2.13. **Муассаса** – Суғурта қилинган шахсга хизматлар кўрсатиладиган тиббиёт муассасаси ёки бошқа муассаса (дорихона, ташхислаш маркази ва бошқалар).

2.14. **Ассистанс хизмати** – Суғурталовчи билан тузиладиган шартнома асосида амал қиладиган, суғурта ҳодисалари бўйича сутка мобайнида мурожаатларни қабул қиладиган, Суғурта қилинган шахсга юз берган суғурта ҳодисалари бўйича керакли хизматларни олишда ва улар ҳақини тўлашда ёрдам берадиган ихтисослашган ташкилот.

Ассистанс хизмати Суғурта қилинган шахсга тақдим этиладиган хизматлар сифати ва ҳажмини назорат қилиш, шунингдек Суғурталовчи номидан ва унинг топшириғига кўра Суғурта қилдирувчига/Суғурта қилинган шахсга суғурта ҳодисаси юз берганида хорижда унинг харажатларини қоплаш ҳуқуқига эга.

2.15. **Тўсатдан касалланиш** – суғурта даврида ва Полис амал қилиши ҳудудида кутилмаганда юзага келган, сурункали касаллик ва/ёки даволаш амалга оширилганлигидан ёки оширилмаганлигидан қатъи назар саёҳат бошланишига қадар мавжуд бўлган касаллик оқибати бўлмаган, шошилинич ёрдамни талаб қиладиган ва ушбу Суғурта қоидаларида истисно сифатида белгиланмаган касаллик.

2.16. **Шошилинич ёрдам** – тиббий ёрдам бўлиб, у тақдим этилмаган тақдирда, Суғурта қилинган шахснинг ҳаёти хавф остида қолади.

2.17. **Шошилинич стоматологик ёрдам** – тиш ва тишни ўраб турадиган тўқималар ўткир яллиғланганида, шунингдек бахтсиз ҳодиса натижасида тиш шикастланганида фақат оғриқни қолдириш воситалари ва бирламчи муолажалар (рентген, дори-дармонлар, вақтинчалик пломба қўйиш ёки тишни олиб ташлаш) билан чекланадиган стоматологик тиббий ёрдам.

2.18. **Сурункали касаллик** – зўрайиш ва ремиссия даврлари билан ифодаланадиган, одам организмида органлар ва тизимлар шикастланиши билан узоқ вақт кечадиган касаллик.

2.19. **Сурункали касалликни зўрайиши** – сурункали касалликка хос бўлган, шу жумладан шошилинич ёрдам зарур бўлган симптомларни намоён бўлиши.

2.20. **Бахтсиз ҳодиса** – тўсатдан юз берадиган, қисқа муддатли, тасодифан ва Суғурта қилинган шахснинг иродасига боғлиқ бўлмаган, одам организмига ташқаридан таъсир қиладиган ва ўзи билан травматик шикастланишни; куйишдан, портлашдан, яшин уришидан, электр токи таъсиридан тан жароҳатини; озик-овқат ёки кимёвий (саноат ёки маиший) моддалар билан заҳарланишларни ва/ёки заҳарли ва/ёки куйдирувчи моддалар, буғлар ёки газлар билан нафас олганда ёки таъсирлашганда юзага келган куйишларни келтириб чиқарадиган ҳодиса; совуқ уриш, чўкиш, ёвуз ниятли шахсларнинг ёки ҳайвонларнинг ҳужум қилиши, ҳашаротлар ва судралиб юрувчиларнинг чақиши, нафас йўллариغا бегона жисмларни тасодифан тушиши, заҳарли ўсимликлар билан тасодифан заҳарланиш ва/ёки ўлим.

2.21. **Тиббий эвакуация** – Суғурта қилинган шахсни зарурат бўлганида ҳар қандай фойдаланиш мумкин бўлган ва мос келадиган транспорт воситасида тиббиёт ходими кузатувида бир жойдан бошқа жойга олиб бориш учун зарур бўлган тадбирлар мажмуаси. Тиббий эвакуация остида шунингдек суғурта ҳодисаси туфайли мустақил ҳаракатланиш қобилиятини йўқотган Суғурта қилинган шахсни ҳодиса жойидан энг яқин тиббиёт муассасасигача махсус машинада етказиб бориш ҳам тушунилади, бошқа транспорт харажатлари тиббий харажатлар сифатида ҳисобга олинмайди. Тиббий эвакуация фақат бир томонга, қўллаш мумкин бўлмаган тиббий кўрсатмалар мавжуд бўлмаган тақдирда ва шифокор руҳсати билан амалга оширилади.

2.22. **Репатриация** – Суғурта қилинган шахс қолдиқларини Ўзбекистон Республикасига қадар ҳар қандай фойдаланиш мумкин бўлган ва мос келадиган транспорт воситасида олиб бориш учун зарур бўлган тадбирлар мажмуаси. Қариндошларнинг илтимосига кўра репатриация Ўзбекистон Республикаси бўлмаган бошқа мамлакатга қадар амалга оширилиши мумкин, шу шарт биланки, бунда Суғурталовчи суғурта тўловини Ўзбекистон Республикасига қадар репатриация қилиш учун тўлаши зарур бўлган суммадан ошмайдиган миқдорда амалга оширади. Репатриация шартлари Суғурталовчи томонидан Суғурта қоидаларига мувофиқ аниқланади.

2.23. **Рецепт** – шифокорнинг дори воситаларини қабул қилиш ва/ёки тиббий препаратларни қўллашга доир ёзма кўрсатмаси.

2.24. **Жисмоний иш** – скелет мушакларига асосий юк тушган ҳолда одамнинг таянч-ҳаракатланиш аппарати иштирок этадиган ишларнинг турлари.

2.25. **Мурожаат** – Суғурта қилдирувчининг, Суғурта қилинган шахснинг ёки Суғурталовчидан суғурта тўловини олишга ҳақли бўлган бошқа шахснинг Суғурта воқеаси оқибатида содир бўлган соғлиққа зиён етказилиши сабаблари ва ҳолатларини кўрсатган ҳолда ёзма мурожаати.

### **3-БЎЛИМ. СУҒУРТА СУБЪЕКТЛАРИ ВА ОБЪЕКТЛАРИ**

3.1. Суғурталовчи, Суғурта қилдирувчи, Суғурта қилинган шахс ёки Наф олувчи ушбу Суғурта қоидалари бўйича суғурта муносабатларининг субъектларидир.

3.2. Ўзбекистон Республикасининг резиденти ёки норезиденти бўлган юридик ёки муомилага лаёқатли жисмоний шахс ушбу Суғурта қоидалари бўйича Суғурта қилдирувчи бўлиши мумкин бўлиб, у Суғурталовчи билан шартномавий муносабатларга киришган ҳолда мазкур Суғурта қоидаларида белгиланган тартибда ва шартларда суғурта мукофотини тўлайди.

3.3. Полис ўзининг фойдасига расмийлаштирилган жисмоний шахс Суғурта қилинган шахсдир. Агар Суғурта қилинган шахс вояга етмаган бўлса, тўланиши лозим бўлган суғурта таъминоти унинг қонуний вакилига (ота-онасининг/васийларининг бирига) тўланиши мумкин.

3.4. Суғурта қилинган шахс вафот этган тақдирда, Ўзбекистон Республикасининг қонунчилигига мувофиқ суғурта таъминотини олиш ҳуқуқига эга бўлган шахс Наф олувчидир.

3.5. Суғурта қилинган шахснинг Ўзбекистон Республикасининг амалдаги қонунчилигига зид бўлмаган, унинг ҳаёти ва соғлиғига зиён етказилиши билан боғлиқ бўлган мулкый манфаатлари мазкур Суғурта қоидалари бўйича суғурта объектидир.

### **4-БЎЛИМ. СУҒУРТА ДАВРИ**

4.1. Суғурта даври Суғурта қилдирувчининг ва/ёки Суғурта қилинган шахснинг хорижда бўлиши муддатига мутаносиб равишда, аммо бир йилдан ортиқ бўлмаган муддатга белгиланади.

4.2. Суғурта даври Полисда кўрсатилади, мазкур полис доимий яшаш мамлакатада бўлган ва келажакда хорижга саёҳат қилишни режалаштираётган шахслар учун ёки ҳозирда саёҳатда ва доимий яшаш мамлакатидан ташқарида бўлган шахслар учун сотиб олинishi мумкин.

4.2.1. Полис доимий яшаш мамлакатада бўлган ва келажакда хорижга саёҳат қилишни режалаштираётган шахслар учун ушбу Суғурта қоидаларига мувофиқ сотиб олинган тақдирда, суғурта даври Полисда суғурта даврининг бошланиши санаси сифатида кўрсатилган санадан эътиборан, аммо Суғурта қилинган шахс Полис амал қилиши ҳудуди чегарасидан кесиб ўтиши (саёҳат қилинаётган мамлакатга киришда чегара хизматларининг паспортда қўйган белгиси) пайтидан эрта бўлмаган ҳолда бошланади;

4.2.2. Полис ҳозирда саёҳатда ёки доимий яшаш мамлакатидан ташқарида бўлган шахслар учун ушбу Суғурта қоидаларига мувофиқ янги муддатга (узайтириш учун) сотиб олинган тақдирда, суғурта даври суғурта мукофоти тўланган кундан кейинги келадиган кунда соат 00:00:00 дан эътиборан, аммо Полисда суғурта даврининг бошланиши сифатида кўрсатилган санадан эрта бўлмаган ҳолда бошланади;

4.2.3. Полис ушбу Суғурта қоидаларига мувофиқ расмийлаштирилган Полисга эга бўлмаган, аммо саёҳат мамлакатига учиб келиш/келиш кунининг дастлабки 3 (уч) соати ичида расмийлаштирилган (чиптада кўрсатилган етиб келиш вақти асос ҳисобланади) шахслар учун сотиб олинган тақдирда, суғурта даврининг бошланиши Полисда суғурта даври бошланиши санаси сифатида кўрсатилган санадан эътиборан бошланади;

4.2.4. Полис ушбу Суғурта қоидаларига мувофиқ расмийлаштирилган Полисга эга бўлмаган, аммо ҳозирда саёҳатда ёки доимий яшаш мамлакатидан ташқарида бўлган шахслар учун сотиб олинган тақдирда, суғурта даврининг бошланиши Полисда суғурта даври бошланиш санаси сифатида кўрсатилган санадан қуйидагича кечиктирилади:

а) «COVID-19» билан боғлиқ бўлмаган ҳолларда уч кунга кечиктирилади ва Полис расмийлаштирилган кундан кейинги келадиган тўртинчи кунда соат 00:00:00 да бошланади;

(2024 йил 17 октябрдан жорий этилади)

б) «COVID-19» билан боғлиқ бўлган ҳолларда ўн кунга кечиктирилади ва Полис расмийлаштирилган кундан кейинги келадиган ўн биринчи кунда соат 00:00:00 дан эътиборан бошланади.

Суғурта ҳодисаси ушбу Суғурта қоидаларининг 4.2.4-бандида кўрсатилганидек суғурта даври кечиктирилган вақтда юз берган тақдирда, Суғурталовчи мурожаатни кўриб чиқмайди ва суғурта тўлови/суғурта таъминоти бўйича мажбуриятлардан тўлиқ озод қилинади.

4.3. Суғурта даври Суғурта қилинган шахс Полиснинг амал қилиш ҳудуди чегарасини кесиб ўтиши (борилган мамлакатдан чиқишда чегара хизматларининг паспортда қўйган белгиси) пайтидан эътиборан, аммо Полисда унинг амал қилиши даврининг тугаши санаси сифатида кўрсатилган кунда соат 23:59:59 кечикмай тугайди.

4.4. Агар Суғурта қилинган шахсни суғурта даври тугайдиган кунда суғурта ҳодисаси туфайли унинг шифохонага ётқизилганлиги муносабати билан хориждан қайтиб келиши мумкин бўлмаса ва ушбу ҳолат тегишли тиббий ҳулоса билан тасдиқланган бўлса, Суғурталовчи мазкур Суғурта қоидаларида назарда тутилган ўз мажбуриятларини суғурта суммаси доирасида бажаришни давом эттиради.

4.5. Полис Шенген битими мамлакатларига 92 (тўқсон икки) кундан ортиқ бўлмаган муддатга расмийлаштирилган тақдирда, саёҳат кунлари сонига қўшимча 15 (ўн беш) кун қўшилади, улар Полиснинг амал қилиш даврида кўрсатилади.

4.6. Агар Полисда Суғурта қилинган шахснинг хорижга, Полиснинг амал қилиш даврида унинг саёҳат кунлари сонидан қатъий назар, кўп марта саёҳат қилиши назарда тутилган бўлса, у ҳолда суғурта даври танланган кўп марталик саёҳатлар дастурига («Multi» режаси ва «Business» режаси) қуйидаги равишда боғлиқ бўлади:

Дастур номи	Полиснинг амал қилиши даври	Суғурта кунларининг сони
а) Multi I	92 кун	30 кун
б) Multi II	183 кун	90 кун
в) Multi III	365 кун	90 кун
г) Multi IV	365 кун	180 кун
д) Business I	365 кун	15 кун
е) Business II	365 кун	30 кун
ж) Business III	365 кун	45 кун
з) Business IV	365 кун	60 кун

4.7. Агар Полис Суғурта қилинган шахсни Полис амал қилиши мобайнида кўп марталик саёҳатларни назарда тутса, Суғурталовчи фақат ушбу Қоидаларнинг 4.6-бандида келтирилган жадвалга мувофиқ Полисда кўрсатилган суғурта кунлари сони доирасида жавобгар бўлади. Суғурта ҳудудидан ҳар бир чиқишда суғурта кунларининг мазкур сони Суғурта қилинган шахс суғурта ҳудудида ўтказган кунлар сонига автоматик тарзда камаяди. Суғурталовчининг суғурта тўловини тўлаш бўйича мажбурияти Полисда кўрсатилган суғурта кунлари сони якунланганидан кейин тугайди.

### 5-БЎЛИМ. СУҒУРТА ДАСТУРИ ВА ПОЛИСНИНГ АМАЛ ҚИЛИШИ ҲУДУДИ

5.1. Суғурта дастури – тегишли суғурта суммалари билан бирга хизматлар мажмуаси бўлиб, у Суғурта қилинган шахсга ушбу Суғурта қоидалари доирасида тақдим этилиши мумкин.

5.2. Суғурталовчи Суғурта қилдирувчи томонидан танланадиган қуйидаги Суғурта дастурларидан бири бўйича мажбуриятларни зиммасига қабул қилади. Суғурта қилдирувчи томонидан танланган дастур Полисда кўрсатилади:

*Барча суғурта хизматлари Еврода кўрсатилган*

Суғурта дастурининг номи	Grand 1	Grand 2	Prestige	Antivirus 1	Antivirus 2	Antivirus 3	
Суғурта қилинган битта шахс учун суғурта суммаси:	50,000	65,000	90,000	65,000	100,000	150,000	
шу жумладан ўлимдан суғурта қилиш	1,000	1,500	2,000	1,500	2,000	2,000	
№	Хизматлар рўйхати	Ҳар бир хизмат бўйича суғурта суммалари					
1	Тиббий хизматлар, шу жумладан:	25,000 гача	30,000 гача	40,000 гача	30,000 гача	50,000 гача	100,000 гача
1.1	стоматологик ёрдам	150 гача	200 гача	500 гача	200 гача	500 гача	1000 гача
1.2	COVID-19 да ёрдам	йўқ	йўқ	йўқ	3,000 гача	10,000 гача	50,000 гача
1.3	бошқа тиббий хизматлар	24,850 гача	29,800 гача	39,500 гача	26,800 гача	39,500 гача	49,000 гача
2	Тиббий-транспорт ва бошқа хизматлар, шу жумладан:	24,000 гача	33,500 гача	48,000 гача	33,500 гача	48,000 гача	48,000 гача
2.1	тиббий эвакуация	5,000 гача	7,000 гача	11,000 гача	7,000 гача	11,000 гача	11,000 гача
2.2	кузатиб борувчи шахсни транспортда ташиш	5,000 гача	6,000 гача	9,000 гача	6,000 гача	9,000 гача	9,000 гача
2.3	Суғурта қилинган шахсни ва/ёки унинг вояга етмаган болаларини қайтариш	4,000 гача	5,000 гача	8,000 гача	5,000 гача	8,000 гача	8,000 гача
2.4	қидирув-қутқарув тадбирлари	2,000 гача	2,000 гача	4,000 гача	2,000 гача	4,000 гача	4,000 гача
2.5	вақтинча бўлиш мамлакатида дафн этиш	2,000 гача	2,500 гача	5,000 гача	2,500 гача	5,000 гача	5,000 гача
2.6	репатриация	6,000 гача	11,000 гача	11,000 гача	11,000 гача	11,000 гача	11,000 гача

5.3. Полиснинг амал қилиш ҳудуди Суғурта қилинган шахснинг бўлиб турган мамлакатни ёки мамлакатларини англатиб, танланган Суғурта дастурига боғлиқ равишда қуйидаги ҳудудий бўлинишлар бўйича аниқланади:

«**Grand 1**» – жаҳоннинг барча мамлакатлари ҳудудида амал қилади, бундан Шенген битими мамлакатлари, шунингдек Лихтенштейн, Буюк Британия, Исроил, Япония, Австралия, Янги Зеландия, Канада ва АҚШ мустасно;

«**Grand 2**» – жаҳоннинг барча мамлакатлари ҳудудида амал қилади, бундан АҚШ мустасно;

«**Prestige**» – жаҳоннинг барча мамлакатлари ҳудудида амал қилади;

«**Antivirus 1**» - жаҳоннинг барча мамлакатлари ҳудудида амал қилади, бундан АҚШ мустасно;

«**Antivirus 2**» - жаҳоннинг барча мамлакатлари ҳудудида амал қилади;

«**Antivirus 3**» – жаҳоннинг барча мамлакатлари ҳудудида амал қилади.

5.4. Полиснинг амал қилиши Суғурта қилинган шахснинг доимий яшаш мамлакатини/ Суғурта қилинган шахс фуқаросини бўлган мамлакат/Суғурта қилинган шахсга яшаш гувоҳномасини берган мамлакат ҳудудида татбиқ этилмайди.

5.5. Полиснинг амал қилиши етиб бориш қийинлиги даражаси бўйича Шимолий ёки Жанубий қутблар билан таққосланиши мумкин бўлган ҳамда махсус транспорт ёки ускуна, ёрдамчи воситалар ва экспедиция билангина етиб бориш мумкин бўлган мамлакатларга нисбатан татбиқ этилмайди.

### 6-БЎЛИМ. СУҒУРТА СУММАСИ ВА СУҒУРТА МУКОФОТИ

6.1. Суғурта суммаси Суғурта қилдирувчи томонидан танланган Суғурта дастурига боғлиқ равишда тарафлар келишувига биноан белгиланади ва Полисда кўрсатилади.

6.2. Суғурта мукофоти суғурта даври ва танланган Суғурта дастуридан келиб чиққан ҳолда Суғурталовчининг амалдаги суғурта тарифларига мувофиқ равишда ҳисоблаб чиқарилади. Суғурта мукофотининг миқдори Полисда кўрсатилади.

6.3. Суғурталовчи Суғурта мукофоти миқдорини аниқлашда базавий суғурта тарифларига ошириладиган ёки камайтириладиган коэффицентларни белгилайди, улар Суғурта қилинган шахсларнинг ёши ва сонига, сафар мақсадига, фаолият соҳасига, шунингдек суғурта ҳодисаси юзага келиши таваккалчилиги даражасига таъсир кўрсатадиган бошқа омилларга боғлиқ бўлади.

6.4. Шенген битими мамлакатларига 92 (тўқсон икки) кундан ортиқ бўлмаган муддатга расмийлаштириладиган Полислар бўйича суғурта мукофоти миқдорини аниқлашда Полиснинг амал қилиш даврига қўшимча равишда қўшилган 15 (ўн беш) кун ҳисобга олинмайди.

6.5. Суғурта мукофоти Ўзбекистон Республикасининг миллий валютаси – сўмда кўрсатилади ва жами суғурта даври учун бир йўла тўланади.

6.6. Суғурта мукофоти Ўзбекистон Республикасининг амалдаги қонунчилигига мувофиқ АҚШ долларида ҳам тўланиши мумкин, бироқ суғурта мукофоти Полисда суғурта мукофоти тўланган санада Ўзбекистон Республикаси Марказий банки томонидан белгиланган курс бўйича қайта ҳисобланган ҳолда Ўзбекистон Республикасининг миллий валютаси – сўмда кўрсатилади.

### 7-БЎЛИМ. ПОЛИСНИ БЕРИШ ТАРТИБИ

7.1. Полис Суғурта қилдирувчининг оғзаки мурожаати ёки ёзма тарздаги Ариза-анкетаси асосида расмийлаштирилади.

7.2. Полис суғурта мукофоти тўлангандан сўнг Суғурта қилдирувчига берилади.

7.3. Суғурта қилдирувчи Полисни олгандан сўнг Полисда кўрсатилган барча Суғурта қилинган шахсларни мазкур Суғурта қоидалари билан таништириши шарт. Ушбу талабни бузиш (бажармаслик) Суғурта қилинган шахсларни мазкур Суғурта қоидаларида назарда тутилган мажбуриятларни бажаришдан озод этмайди ва Суғурталовчига мазкур Суғурта қоидалари шартлари билан танишмаганлик ва/ёки рози эмаслик борасида талаблар қўйиш учун асос бўла олмайди.

7.4. Суғурта қилдирувчи/Суғурта қилинган шахс томонидан Полис йўқотилган тақдирда, Суғурта қилдирувчининг/Суғурта қилинган шахснинг ёзма аризасига биноан Суғурталовчи тўлов қабул қилинмаган ҳолда янги Полис беради. Янги Полис берилгандан сўнг йўқотилган Полис ҳақиқий эмас деб ҳисобланади ва Суғурта қилдирувчи/Суғурта қилинган шахс олдида Суғурталовчининг бирор-бир мажбуриятини келтириб чиқармайди.

### 8-БЎЛИМ. СУҒУРТА ТЎЛОВИ ВА СУҒУРТА ТАЪМИНОТИ

8.1. Ушбу Суғурта қоидаларида назарда тутилган суғурта ҳодисаси юз берган тақдирда, Суғурта дастурига кирадиган ҳар бир хизмат бўйича суғурта суммаси доирасида қуйидаги хизматлар учун харажатлар тўланади, хусусан:

8.1.1. муассасада амбулатор ва стационар (фақат шошилиш операциялар) даволаниш учун, жумладан шифокор хизматлари (маслаҳатлари), шифокор томонидан кўрсатилган ташхислаш ва лаборатория тадқиқотлари, шифокор томонидан тайинланган дори-дармонлар (рецепт бўйича), боғлаш материаллари ва маҳкамлаш воситалари (гипс, бандаж ва шу кабилар) учун кетадиган харажатлар, Суғурта қилинган шахснинг доимий яшаш мамлакатигача тиббий эвакуация қилиш мумкин бўлган ва/ёки муассасадан жавоб бериш пайтига қадар.

Бунда Суғурталовчи томонидан суғурта ҳодисаси тан олиншига қадар ва ушбу Қоидаларнинг 8.1.1-бандида назарда тутилган тиббий ёрдамни ташкиллаштириш учун Суғурта қилинган шахс ташхисини аниқлашга 500 (беш юз) Евро доирасида чеклов (лимит) белгиланади;

8.1.2. Суғурта қилинган шахсда ҳомиладорлик кечишида асоратлар юзага келган/ҳомиладорлик мажбурий равишда тўхтатилган тақдирда, шошилиш ёрдам учун ҳомиладорлик 32 (ўттиз икки) ҳафтадан ошмаслиги, шунингдек мазкур воқеа бахтсиз ҳодиса натижасида содир бўлиши шarti билан 1000 (бир минг) Еврогача бўлган миқдорда тўланади;

8.1.3. шошилиш стоматологик ёрдам учун, танланган Суғурта дастурида кўрсатилган суғурта суммаси доирасида;

8.1.4. Суғурта қилинган шахсни воқеа жойидан энг яқин муассасагача ёки энг яқин жойдаги шифокоргача, ёки бир муассасадан иккинчисига (вақтинча бўлган мамлакат доирасида), ёхуд доимий яшаш мамлакатигача тиббий эвакуация қилиш учун. Бунда шошилиш ёрдам зарурлиги

(2024 йил 17 октябрдан жорий этилади)

шарти билан, тиббий эвакуациянинг мақсадга мувофиқлиги тўғрисидаги қарор фақат Суғурталовчининг ваколатли шифокорлари томонидан қабул қилинади. Агар учинчи шахс Суғурталовчи билан келишмаган ҳолда тиббий эвакуацияни ташкиллаштира, Суғурталовчи харажатларни Ассистанс хизмати ёрдамида тиббий эвакуацияни таъминлай олиши мумкин бўлган энг кам сумма доирасида тўлаб беради;

8.1.5. Суғурта қилинган шахсни тиббий эвакуация қилишда кузатиб боровчи шахсни ташиш учун, башарти бундай кузатиб бориш даволовчи шифокор кўрсатмасига биноан зарур бўлса;

8.1.6. Суғурта қилинган шахснинг доимий яшаш мамлакатига қайтариш учун, башарти у ушбу Суғурта қоидаларининг 2.4-бандида кўрсатилган сабаблар туфайли касалхонага ётқизилганлиги боис сотиб олинган чипталардан фойдаланиш имкониятини йўқотган бўлса. Суғурталовчи Суғурта қилинган шахсга илгари сотиб олинган чипталар қийматини қопламайди ва битта Суғурта қилинган шахсга эконоом тоифадаги йўлқира ҳақини қоплаган ҳолда тенг қимматли транспорт тури учун тўлаб беради.

Бунда Суғурта қилинган шахсда «COVID-19» ташхисланган тақдирда, чипталар қийматини қоплаш ёки тўлаб бериш суммаси битта Суғурта қилинган шахсга 1000 (бир минг) Евродан ортиқ бўлмаган сумма билан чекланган. Агар илгари сотиб олинган чипталарни қайтариш ёки алмаштириш мумкин бўлса, Суғурталовчи чипталарни алмаштириш учун қўшимча тўланиши зарур бўлган суммани тўлаб беради.

Суғурта қилинган шахс унинг учун Суғурталовчи томонидан харид қилинган авиачиптани ҳар қандай сабаб билан рад этган тақдирда, Суғурталовчи харид қилинган чиптани бекор қилишга ва Суғурта қилинган шахсга кейинчалик суғурта хизматлари тақдим этилишини рад этишга ҳақли. Шунингдек, агар Суғурта қилинган шахс унинг режаларига тўғри келмаслиги, рейсдан, туташтиришлардан, қатнаш маршрути ва бошқалардан қониқмаслиги муносабати билан авиачипта санасини бошқа санага ўзгартиришни талаб қилса, Суғурталовчи Суғурта қилинган шахсга суғурта хизматлари кўрсатишни рад этишга ва харид қилинган чиптани бекор қилишга ҳақли;

8.1.7. эконоом тоифадаги йўлқира ҳақи учун:

а) Суғурта қилинган шахснинг вояга етмаган фарзандлари Суғурта қилинган шахс билан содир бўлган суғурта ҳодисаси туфайли илгари сотиб олган чипталардан фойдаланиш имкониятини қўлдан чиқарган ва қаровсиз қолиб кетган ҳолларда уларнинг доимий яшаш мамлакатига етиб келиши учун;

б) Суғурта қилинган шахс билан суғурта ҳодисаси юз бериши муносабати билан Суғурта қилинган шахснинг вояга етмаган фарзандларини қайтариш учун уларни кузатиб боровчи битта шахс учун, шу шарт биланки, агар вояга етмаган фарзандлар ҳам ушбу Суғурта қоидалари доирасида суғурта қилинган бўлса ва кузатиб боровчи шахсда Суғурта қилинган шахснинг доимий яшаш мамлакатига чипта бўлмаса.

в) суғурта ҳодисаси содир бўлган Суғурта қилинган вояга етмаган фарзанд ва битта кузатиб боровчи шахс учун, шу шарт биланки, агар улар илгари харид қилинган чипталардан фойдаланиш имкониятини қўлдан чиқарган бўлса.

Бунда Суғурталовчи эконоом тоифадаги йўлқира ҳақини қоплаган ҳолда фақат уни тенг қимматли транспорт тури учун тўлаб беради. Агар илгари сотиб олинган чипталарни қайтариш ёки алмаштириш мумкин бўлса, Суғурталовчи чипталарни алмаштириш учун қўшимча тўланиши зарур бўлган суммани тўлаб беради;

8.1.8. Суғурта қилинган шахсни қидириш ва қутқариш учун зарур бўлган чора-тадбирларни ташкил қилиш ва ўтказиш учун;

8.1.9. Суғурта қилинган шахсни Полисинг амал қилиш ҳудудида дафн қилиш билан боғлиқ бўлган тадбирларни ўтказиш учун, бундан диний маросимлар мустасно;

8.1.10. Суғурта қилинган шахснинг репатриацияси учун, бундан ушбу Суғурта қоидаларининг 11.1.18, 11.2, 11.3-бандларида кўрсатилган воқеалар натижасида юз берган ўлим ҳолатлари, шунингдек Суғурта қилинган шахснинг доимий яшаш мамлакатига диний маросимларни ўтказиш ва дафн этиш мустасно. Агар учинчи шахс Суғурталовчи билан келишмаган ҳолда репатриацияни



ташқиллаштирса, Суғурталовчи харажатларни Ассистанс Хизмати ёрдамида репатриацияни таъминлай олиши мумкин бўлган энг кам сумма доирасида тўлаб беради;

8.1.11. эпидемик ёки вирус касалликларида (эпидемиялар, пандемияларда) таҳлилларни (тестлар ва бошқаларни) топшириш, ташхис қўйиш, даволаш ва тиббий ёрдам кўрсатиш учун, шунингдек «Antivirus 1», «Antivirus 2» ва «Antivirus 3» суғурта дастурлари доирасида карантинга жойлаштирилганда.

Бунда қуйидагилар қопланиши ёки тўланиши лозим:

а) эпидемик ёки вирус касаллиги мавжудлигини ёки мавжуд эмаслигини тасдиқлаш мақсадида шифокор томонидан тайинланган тестлар (таҳлиллар) ҳақини тўлашга доир харажатлар;

б) Суғурта қилинган шахсни 14 (ўн тўрт) кундан ортиқ бўлмаган муддатга меҳмонхонада ёки карантин учун махсус ажратилган хонага жойлаштириш билан боғлиқ харажатлар (маиший харажатлар ва овқатланиш учун харажатлардан ташқари).

Бунда ҳақиқатда амалга оширилган, аммо қуйидаги лимитлардан ортиқ бўлмаган харажатлар қопланади ёки тўланади:

«Antivirus 1» суғурта дастури бўйича битта Суғурта қилинган шахсга суткада 45 (қирқ беш) Еврога қадар;

«Antivirus 2» суғурта дастури бўйича битта Суғурта қилинган шахсга суткада 65 (олтмиш беш) Еврога қадар;

«Antivirus 3» суғурта дастури бўйича битта Суғурта қилинган шахсга суткада 90 (тўқсон) Еврога қадар.

8.2. Жарроҳлик операцияси шошилиш бўлганлиги ва тиббий эвакуация ташқил этилгандан сўнг Суғурта қилинган шахснинг доимий яшаш мамлакатига ўтказилиши мумкин бўлмаганлиги шарт билан Суғурталовчи жарроҳлик операциялари учун тиббий харажатларни тўлайди, яъни тўлов операциянинг дарҳол ўтказилмаслиги Суғурта қилинган шахснинг ҳаётига хавф солаётган бўлса ёки унинг соғлиғининг жиддий бузилиши эҳтимоли мавжуд бўлса, амалга оширилади.

8.3. Агар дори-дармонлар фақат шифокор томонидан ёзиб берилган рецепт бўйича харид қилинган бўлса, Суғурталовчи улар ҳақини тўлайди.

8.4. Суғурталовчи тиббиёт марказлари, клиникалар ва хусусий амалиёт шифокорлари томонидан тақдим этилган тиббий хизматлар учун харажатларни Суғурталовчи фақат Ассистанс хизмати ёрдамида олинган ҳудди шундай хизматлар ҳақини тўлаган ҳолда харажатларни қоплаши мумкин бўлган миқдорда тўлаш ҳуқуқини ўзида сақлаб қолади.

8.5. Суғурталовчининг суғурта тўловини/суғурта таъминотини амалга ошириш бўйича мажбурияти суғурта даври ва Полисинг амал қилиш ҳудудида содир бўлган суғурта ҳодисаларига нисбатан амал қилади.

8.6. Суғурталовчи зиммасида Суғурта дастурига кирадиган ҳар бир хизмат бўйича, шунингдек Суғурта қилинган шахснинг ўлими содир бўлган бахтсиз ҳодисадан суғурта қилиш бўйича суғурта тўловини/суғурта таъминотини суғурта суммаси доирасида амалга ошириш бўйича мажбуриятлар бўлади.

## **9-БЎЛИМ. СУҒУРТА ҚИЛИНГАН ШАХС ВАФОТ ЭТГАНИДА СУҒУРТА ТАЪМИНОТИ**

9.1. Бахтсиз ҳодисадан суғурта қилиш борасида Суғурталовчи Наф олувчига Суғурта дастурида кўрсатилган суғурта суммасини қуйидаги ҳолларда тўлиқ миқдорда тўлаб беради:

9.1.1. Суғурта қилинган шахс саёҳат пайтида юз берган ҳамда суғурта даврида ва Полисинг амал қилиш ҳудудида содир бўлган бахтсиз ҳодисанинг бевосита натижасида вафот этган тақдирда;

9.1.2. Суғурта қилинган шахс бир йил ичида юз берган ҳамда суғурта даврида ва Полисинг амал қилиш ҳудудида содир бўлган бахтсиз ҳодисанинг бевосита натижасида вафот этган тақдирда.

## **10-БЎЛИМ. СПОРТНИ СУҒУРТА ҚИЛИШНИНГ ЎЗИГА ХОС ХУСУСИЯТЛАРИ**

10.1. Суғурта қилинган шахснинг фаол ҳордиқ чиқариш давомида юзага келган харажатлари ушбу Суғурта қоидалари билан автоматик равишда қопланади. Бунда мазкур Суғурта қоидалари

доирасида фаол ҳордиқ чиқариш деганда, саёҳат даврида бўш вақтни спорт кўнгилочар тадбирларда иштирок этиш ва фаолиятнинг фаол турлари билан шуғулланиш (ҳар қандай профессионал мусобақаларга тайёрланиш ва иштирок этиш бундан мустасно) билан ўтказиш усули тушунилади.

10.2. Суғурта мукофотини кўпайтирувчи коэффициентни қўллаган ҳолда тўлаш ва Полисинг «Махсус шартлар» катагида «Спорт» деган ёзув қайди мавжуд бўлиши шарти билан ушбу Суғурта қоидаларининг 2.12-бандида кўрсатилган хизматларга қилган, Суғурта қилинган шахсинг профессионал спорт билан шуғулланиш, жумладан мусобақалар ҳамда машғулотларда иштирок этиш, махсус мўлжалланган ва жиҳозланган трассаларда тоғ чанғиларида ҳамда сноубордда учиш давомида юзага келган харажатлари Суғурталовчи томонидан қопланади.

Ушбу Суғурта қоидалари доирасида профессионал спорт деганда, спорт мусобақаларига тайёрланиш ва уларда иштирок этиш учун контракт асосида иш ҳақи ёки бошқа пул мукофотларини оладиган спортчи учун асосий фаолият тури бўлган спорт фаолияти тушунилади.

10.3. Суғурта қилинган шахсинг махсус мўлжалланмаган ва жиҳозланмаган трассаларда тоғ чанғиларида ва сноубордда учиш, 30 (ўттиз) метрдан ортиқ чуқурликда сув остида сузиш ва шўнғиш, шунингдек спортнинг шу турлари билан Шимолий Муз океанида ва унга туташ денгизларда шуғулланиш, регби, сёрфинг, альпинизм, спелеология, хелиборд, мотоспорт, даунхилл, кайтборд билан шуғулланиш, учиш аппаратлари ва мосламаларида учиш (самолётда йўловчи сифатида учиш бундан мустасно), парашютда сакраш, бобслей, планеризм, дельтапланеризм, парапланеризм, параглайдинг, автоспорт, бокс, кикбоксинг, таиландча бокс, қоидаларсиз жанглар, ҳаво шарида учиш (йўловчи сифатида эмас), видсёрфинг билан шуғулланиш, акробатик элементлардан ташкил топган фигураларни қўллаган ёки қўлламаган ҳолда баландликдан сакраш, тўсиқларни енгиб ўтиш билан боғлиқ бўлган спорт турлари (бундан буён матнда спортнинг махсус турлари деб юритилади) билан шуғулланиш натижасида юзага келган харажатлари мазкур Суғурта қоидалари бўйича қопланмайди. Агар 10.1 ва 10.2-бандларида қайд этилган жисмоний фаолликдан гарчи биттасига баландликдан сакраш, акробатик элементлар киритилган бўлса, у ҳолда мазкур фаоллик спортнинг махсус турларига қўшилади ва ушбу Суғурта қоидалари билан қопланмайди.

## 11-БЎЛИМ. ИСТИСНОЛАР

11.1. Суғурта ҳодисаси белгиларига эга бўлган, лекин қуйида келтирилган омилларнинг исталганининг бевосита ёки билвосита оқибати бўлган воқеа юзага келган тақдирда, суғурта тўлови/суғурта таъминоти амалга оширилмайди:

11.1.1. тўғридан-тўғри тиббий қарши кўрсатмалар мавжудлигига қарамай саёҳатга чиқилганда, Суғурта қилинган шахс соғлиғининг ёмонлашиши ёки унинг вафот этиши муносабати билан қилинган харажатлар;

11.1.2. агар бахтсиз ҳодиса ёки тўсатдан касалланиш юз берганида Суғурта қилинган шахс организмида наркотик ёки психотроп моддаларнинг мавжудлиги қайд этилса ёхуд шифокор томонидан ёзиб берилмаган дори-дармонлардан фойдаланилганлиги қайд этилса, ушбу ҳолат тиббий хулосаларда/ билдиргиларда акс эттирилиши, гувоҳлар кўрсатмаларида ва содир бўлган воқеага тааллуқли бўлган бошқа ҳужжатларда қайд қилиниши мумкин;

11.1.3. руҳий касалликлар ва ҳолатларда, эпилепсия (бирламчи ва симптоматик), неврозлар (ваҳима хуружлари, тушкунлик, жазавага тушишлар ва бошқалар), шунингдек марказий асаб тизими касалликларида;

11.1.5. жинсий йўл билан ўтадиган касалликлар ва уларнинг оқибатлари, таносил касалликлари, ОИТС ва ОИВ келтириб чиқарган барча касалликлар;

11.1.6. Суғурта қилинган шахсга маълум бўлганлиги ёки бўлмаганлигидан қатъи назар, онкологик касалликлар, ўсмалар (ёмон сифатли ва хавфсиз);

11.1.7. тиббий нуқтаи назардан зарур деб ҳисобланмаган ёки шифокор томонидан тайинланмаган хизматларни тақдим этиш, шунингдек шошилиш бўлмаган жарроҳлик операциялари;

11.1.8. реабилитация тадбирлари ва органларни кўчириб ўтказиш (трансплантация) учун харажатлар;

11.1.9. Суғурта қилинган шахс суғурта ҳодисаси туфайли мурожаат этиши муносабати билан у доволоччи шифокордан олган кўрсатмалар бажарилишини ихтиёрий равишда рад этиш натижасида юзага келган харажатлар;

11.1.10. ҳар қандай профилактика тадбири, эмлаш, дезинфекция, санатория-курортда даволаниш, тикловчи ва соғломлаштирувчи даволаш, гелиотерапия, сув билан даволаш, физиотерапия, мануал терапия, ҳар қандай турдаги уқалашлар (массаж) ва шу кабилар;

11.1.11. ташхис кўрсатилмаган ҳолда ноанъанавий тиббиёт усуллари билан даволаш ёки аниқланган ташхисга мос келмайдиган даволаш;

11.1.12. косметик/пластик жарроҳлик, ташқи қиёфадаги камчиликларни ёки танадаги нуқсонларини бартараф этиш билан, шунингдек ҳар қандай турдаги протезлаш, шу жумладан кўз ва тишларни протезлаш билан боғлиқ даволашлар;

11.1.13. Суғурта қилинган шахсни даволаш учун наслий ва/ёки туғма касалликларнинг, аномалиялар ва органлар ривожланишидаги нуқсонларнинг зўрайиши ёки асоратлари оқибатида юзага келган харажатлар;

11.1.14. Суғурта қилинган шахсга маълум бўлганлиги ёки бўлмаганлигидан қатъи назар сурункали касалликлар ва/ёки уларнинг зўрайиши/асоратлари, ва/ёки уларнинг намоён бўлишининг бошқа шакллари ва турлари. Суғурта қилинган шахсда сурункали касалликлар зўрайган/асорат қолдирган ҳолларда Суғурталовчи 500 (беш юз) Евро доирасида хизматлар кўрсатилишини ташкиллаштиради ва/ёки харажатларини тўлаб беради;

11.1.15. мураккаб даволашни ва/ёки стационарда узоқ вақт бўлишни, шу жумладан кардиожарроҳлик билан даволашни (жумладан ангиография, ангиопластика, шунтлашни ва шу кабиларни), шунингдек илгари ўтказилган қон айланиш тизими касалликлари оқибатида юзага келган эрта ва кечки асоратларни даволашни ва жарроҳлик аралашувларини талаб этадиган қон айланиш тизими касалликлари (артериал гипертония ва 500 (беш юз) Евро лимит доирасида биринчи ёрдам бериш бундан мустасно);

11.1.16. узоқ вақт давомида содир бўладиган ва/ёки мураккаб даволашни ва/ёки тиббиёт муассасасида узоқ вақт бўлишни талаб этадиган бошқа касалликларнинг мавжудлиги билан боғлиқ ҳолда юзага келадиган касалликлар (инфаркт, инсульт, қандли диабет, буйрак етишмовчилиги, сил, жигар циррози, вирусли гепатитлар, аневризманинг ҳар қандай тури, эндокрин касалликлар ва шу кабилар). Юқорида кўрсатилган касалликлар илк бор аниқланганда, Суғурталовчи 900 (тўққиз юз) Евро доирасида хизматлар кўрсатилишини ташкиллаштиради ва/ёки Суғурта қилинган шахснинг харажатларини тўлаб беради;

11.1.17. Суғурта қилинган шахс касалликлар оқибатида ўз саёҳати бошланишига қадар даволанган ёки агар назарда тутилган саёҳат Суғурта қилинган шахсга саломатлиги ҳолати бўйича мумкин бўлмаган тақдирда;

11.1.18. даволаш учун саёҳат амалга оширилган касб касалликлари, шунингдек ҳар қандай бошқа касалликлар;

11.1.19. кўриш қобилиятини яхшилаш учун мосламалар (кўзойнақлар, гардишлар, линзалар, лупалар ва шу кабилар), шунингдек бошқа ёрдамчи воситаларнинг (протезлар, қўлтиқтаёқлар, аравачалар ва шу кабиларнинг) тақдим этилиши;

11.1.20. витаминлар, озик-овқат қўшимчалари, озик-овқатларни бойитувчилар, ўсимлик маҳсулотлари, гомеопатия воситаларини харид қилиш;

11.1.21. Суғурта қилинган шахснинг эпидемиялар ва ўлат, вабо, қора чечак, сариқ безгак, геморрагик безгак, куйдирги, тепкили ичтерлама ва бошқалар каби ўта хавфли ва тропик касалликлар муносабати билан қиладиган харажатлари;

11.1.22. Суғурта қилинган шахснинг эпидемик касалликларни (пандемияларни) даволаш, табиий офатлар ва уларнинг оқибатлари, карантин, метеоритлар ва бошқа космик жисмларнинг/объектларнинг қулаб тушиши билан боғлиқ харажатлари.

Қоидаларнинг мазкур банди ушбу Суғурта қоидаларининг 5.2-бандида келтирилган «Antivirus 1», «Antivirus 2» ва «Antivirus 3» суғурта дастурларига нисбатан татбиқ этилмайди.

11.1.23. Суғурта қилинган шахс доимий яшаш мамлакатига қайтиб келгандан сўнг, шунингдек суғурта даври тугагандан сўнг амалга оширилган даволаш учун харажатлар.

11.2. Суғурта қилинган шахс билан қуйидаги ҳолларда суғурта воқеаси юз берган бўлса, Суғурталовчи харажатларни тўлаб бермайди ва мазкур ҳолат суғурта ҳодисаси деб тан олинмайди:

11.2.1. ўз жонига қасд қилишга уриниш ёки ўз жонига қасд қилишда;

11.2.2. бирор-бир ҳарбий тузилмада хизмат вазифаларини ўташ чоғида;

11.2.3. жисмоний ишни бажариш чоғида, агар Полисинг «Махсус шартлар» катагида «Иш» деб кўрсатилмаган бўлса;

11.2.4. икки ғилдиракли ёки бошқа турдаги транспорт воситаларини тегишли рухсати (ҳайдовчилик гувоҳномаси, ҳуқуқи ва бошқалари) бўлмасдан шахсан бошқариши натижасида.

11.3. Суғурталовчи бевосита ёки билвосита қуйидаги сабаблар туфайли юзага келган харажатларни тўлаб бермайди:

11.3.1. террористик ҳаракатлар туфайли (якка ўзи ёки бирор бир ташкилотга ёки ҳукуматга боғлиқ равишда ёхуд унинг номидан ҳаракат қилувчи ҳар қандай шахс ёки шахслар гуруҳи томонидан сиёсий, диний, мафкуравий ёки этник ғоялардан келиб чиқиб ва ҳукуматга таъсир кўрсатиш ёки жамиятга ёхуд унинг бирор қисмига таҳдид солиш фикрида куч ишлатиш ва зўравонлик қилиш билан ифодаланадиган), шу жумладан террористик ҳаракатнинг олдини олиш бўйича тадбирлар туфайли юзага келган зарар ҳам қоплаб берилмайди;

11.3.2. уруш, чет эллик душманнинг бостириб кириши, ҳарбий ҳаракатлар (уруш эълон қилиниши ёки қилинмаслигидан қатъий назар), фуқаролар урушлари, қўзғолонлар, инқилоблар, исёнлар ва фуқаролар ғалаёнлари туфайли;

11.3.3. Суғурта қилинган шахснинг гаровда ва жиноятларда, шунингдек муштлашишларда иштироки оқибатида рўй берган бахтсиз ҳодисалар туфайли, бундан ўзининг фуқаролик бурчини бажариш ёки ўзининг (ёхуд учинчи шахсларнинг) ҳаёти, соғлиғи, ор-номусини ҳимоя қилиш мақсадида амалга оширилган ҳаракатлар мустасно;

11.3.4. Суғурта қилинган шахс алкоголь, наркотик, токсик ёки бошқа мастлик ҳолатида ва/ёки транспорт воситасини бошқариш учун тегишли рухсатномасиз/ҳайдовчилик гувоҳномасисиз транспорт воситасини бошқариши оқибатида содир бўлган, шунингдек Суғурта қилинган шахс томонидан транспорт воситасини бошқаришни юқорида айтиб ўтилган ҳолатда бўлган ва/ёки юқорида айтиб ўтилган рухсатномасиз/ҳайдовчилик гувоҳномасисиз бўлган учинчи шахсларга бериши оқибатида содир бўлган бахтсиз ҳодисалар туфайли;

11.3.5. Суғурта қилинган шахс томонидан суғурта ҳодисасининг юзага келишига сабаб бўлган ғайриқонуний қилмишлар содир этилиши туфайли;

11.3.6. Суғурта қилинган шахснинг соғлиғи ҳолатига ёки унга кўрсатилган тиббий ва унга боғлиқ бўлган хизматларга тааллуқли бўлган ҳамда била туриб сохта маълумотлар акс эттириб кўрсатилган ҳужжатлар тақдим этилиши туфайли;

11.3.7. суғурта ҳодисасининг юзага келганлигини ва суғурта ҳодисаси оқибатида келиб чиққан зарарлар ҳажмини тасдиқловчи зарур ҳужжатларнинг тақдим этилмаганлиги туфайли;

11.3.8. Суғурталовчи томонидан ушбу Суғурта қоидаларининг 12.7–12.8-бандларида назарда тутилган ҳужжатлар сўралганда, уларни тақдим этмаслик туфайли;

11.3.9. Ўзбекистон Республикасининг қонунчилигида назарда тутилган бошқа ҳолларда.

11.4. Мазкур Суғурта қоидаларининг шартларига мувофиқ Суғурталовчи билвосита зарарлар, олинмай қолинган фойда, пенялар, жарималар, неустойкалар ва бошқа молиявий жарималар учун жавобгарликдан озод қилинади ва уларни қопламайди.

## **12-БЎЛИМ. СУҒУРТА ДАЪВОСИНИ КЎРИБ ЧИҚИШ ТАРТИБИ**

12.1. Суғурта қилинган шахс ёки унинг вакили суғурта воқеаси юз берганида Полисда кўрсатилган телефон рақамлари ёки бошқа алоқа воситалари орқали Ассистанс хизматига мурожаат қилади ҳамда имкон қадар операторга қуйидагиларни маълум қилган ҳолда содир бўлган воқеа тўғрисида хабардор қилади:

- ёрдамга муҳтож бўлган Суғурта қилинган шахснинг фамилияси ва исми;
- Полис рақами ва суғурта даври;

- Суғурталовчининг номи;
- содир бўлган воқеа ҳолатларининг тавсифи ва талаб этилаётган ёрдамнинг характери;
- жойлашган ери ва қайтиб алоқага чиқиш учун телефон рақами.

12.2. Маълумот олгандан сўнг Ассистанс хизмати Суғурта қилинган шахсга мазкур Суғурта қоидаларида назарда тутилган зарур хизматлар кўрсатилишини ташкил қилади, шунингдек Суғурта қилинган шахснинг харажатларини Полис шартларига мувофиқ тўлаб беради.

12.3. Шифокор билан маслаҳатлашиш ёки шифохонага жўнашга қадар Ассистанс хизматига қўнғироқ қилишнинг иложи бўлмаса, Суғурта қилинган шахс биринчи имкониятдаёқ Ассистанс хизматига қўнғироқ қилиши лозим. Ҳар қандай ҳолатда ҳам, Суғурта қилинган шахс содир бўлган ҳолат ҳақида ҳисобварақлар/харажатлар тўланишига қадар Ассистанс хизматига ёки Суғурталовчига хабар бериши ҳамда тиббий ходимларга Полисни тақдим этиши лозим.

Ушбу бандда назарда тутилган талабларга риоя қилмаслик Суғурталовчига суғурта тўловини/таъминотини олиш учун берилган аризани кейинчалик ушбу Қоидаларнинг қуйида келтирилган шартларига мувофиқ кўриб чиқиш ҳуқуқини беради.

12.4. Ассистанс хизмати билан алоқага чиқишнинг иложи бўлмаса, Суғурта қилинган шахс суғурта воқеаси билан боғлиқ бўлган харажатларни мустақил тўлаши мумкин. Суғурта қилинган шахс ушбу ҳолда содир бўлган ҳолат тўғрисида Суғурталовчига ёзма тарзда мурожаат этади.

12.5. Ариза Суғурталовчига суғурта воқеаси юзага келган кундан эътиборан 30 (ўттиз) календарь куни ичида, аммо Суғурта қилинган шахс саёҳатдан қайтиб келган кундан эътиборан 30 (ўттиз) календарь кунидан кеч бўлмаган муддатда тақдим этилиши лозим.

12.6. Суғурта воқеасига боғлиқ равишда аризага қуйидаги ҳужжатлар илова қилиниши лозим:

12.6.1. Суғурта қилинган шахс саёҳатда юрганида тўсатдан касалланганида ва/ёки у билан бахтсиз ҳодиса содир бўлганида:

а) Полис ёки унинг нусхаси;

б) Суғурта қилинган шахснинг шахсини тасдиқловчи ҳужжати нусхаси (асли ҳам тақдим этилиши шарт);

в) муассасадан олинган ҳисоб-маълумотноманинг асли, зарур маълумотлар (беморнинг фамилияси, ташхис, хизматлар учун мурожаат этилган сана, даволаниш давомийлиги ва шу кабилар) кўрсатилган ҳолда;

г) ушбу касаллик билан боғлиқ равишда шифокор томонидан ёзиб берилган рецептнинг асли;

д) муассаса томонидан берилган ҳисобварағининг асли, кўрсатилган хизматлар санаси, номи ва қиймати алоҳида-алоҳида кўрсатилган ҳолда;

е) хизматлар ҳақи тўланганлиги фактини тасдиқловчи ҳужжатларнинг асли (тўланганлиги тўғрисида штамп, пуллар олинганлиги тўғрисида тилхат ёки пуллар ўтказилганлиги тўғрисида банк тасдиқномаси ва ҳоказо);

ж) муассаса томонидан берилган, Суғурта қилинган шахс организида алкоголь, наркотик, токсик ёки бошқа маст қиладиган моддаларнинг йўқлигини тасдиқлайдиган хулоса ёки бошқа ҳужжат – Суғурта қилинган шахс исталган турдаги транспорт воситасини бошқариши оқибатида у билан бахтсиз ҳодиса содир бўлганда;

12.6.2. Суғурта қилинган шахс саёҳат чоғида содир бўлган бахтсиз ҳодиса туфайли вафот этган тақдирда:

а) Полис ёки унинг нусхаси;

б) суғурта таъминотини олишга ҳақли бўлган Наф олувчининг шахсини тасдиқловчи ҳужжатининг нусхаси (асли ҳам тақдим этилиши шарт);

в) бахтсиз ҳодиса ҳолатларининг батафсил тавсифи ва имкон қадар гувоҳларнинг исмлари ва улар тўғрисидаги маълумотлар;

г) ҳуқуқни муҳофаза қилиш органларининг бахтсиз ҳодисага нисбатан тузилган ҳужжатининг (баённоманинг ёки ҳодиса ҳолатлари ва сабабларини тавсифловчи бошқа ҳар қандай ҳужжатнинг) асли (агар иш ҳуқуқни муҳофаза қилиш органлари томонидан кўрилган бўлса);

д) Суғурта қилинган шахснинг ўлим тўғрисидаги гувоҳномасининг нусхаси ёки суднинг Суғурта қилинган шахс вафот этган ёки дом-дараксиз йўқолган деб топиш тўғрисидаги қарорининг нусхаси (Суғурта қилинган шахс йўқолган тақдирда).

12.7. 12.6-бандда кўрсатилган ҳужжатлар рус ва инглиз тилларидан ташқари бошқа чет тилларда тузилган бўлса, улар Суғурталовчининг талабига биноан Аризачининг (Суғурта қилдирувчининг/Суғурта қилинган шахснинг/Наф олувчининг) маблағлари ҳисобидан таржима қилиниб тасдиқланиши лозим.

12.8. Зарур ҳолларда ва ҳолатларни ойдинлаштириш, шунингдек зарар миқдорини аниқлаш ҳамда суғурта таъминотини амалга ошириш масаласини тартибга солиш мақсадида, Суғурталовчи ушбу Суғурта қоидаларининг 12.6-бандида кўрсатилмаган бошқа ҳужжатларни ҳам талаб қилишга ҳақли.

12.9. Зарур ҳолларда Суғурталовчи тақдим этилган ҳужжатларни текширишга, суғурта воқеаси ҳолатлари тўғрисидаги маълумотларга эга бўлган ташкилотлардан маълумотлар сўраб олишга, шунингдек Суғурта қилинган шахсни тиббий текширувдан ўтказишга ҳақли.

12.10. Суғурта воқеасининг характери ва ҳолатларидан келиб чиққан ҳолда, Суғурталовчи ушбу Суғурта қоидаларининг 12.7-банди талабларига риоя этган ҳолда 12.6-бандда кўрсатилган ҳужжатларнинг тўлиқ рўйхатини/ахборотни талаб қилмаган ҳолда, содир бўлган воқеани суғурта ҳодисаси деб тан олиши ёки тан олмаслиги (ёки суғурта таъминотини амалга оширишни рад этиш) тўғрисида қарор қабул қилишга ҳақли.

12.11. Ҳар қандай ҳолатда ҳам суғурта ҳодисасининг юз берганлиги фактини, Суғурталовчининг суғурта таъминотини амалга ошириш бўйича жавобгарлигини ва зарарлар миқдорининг асосланганлигини исботлаш Суғурта қилдирувчи/Суғурта қилинган шахс/Наф олувчи зиммасида бўлади.

12.12. Агар Суғурта қилинган шахс ушбу Суғурта қоидалари 12.5-бандининг талабларини бузган ҳолда суғурта воқеаси тўғрисида ариза берган бўлса, Суғурталовчига эртароқ мурожаат этиб хабар беришнинг иложи бўлмаганлигини исботлаб бериш Суғурта қилинган шахснинг зиммасида бўлади.

12.13. Агар суғурта ҳодисасининг юз беришига сабаб бўлган фактлар бўйича жиноят иши қўзғатилган ёки Суғурта қилинган шахсга нисбатан суд жараёни бошланган бўлса, суғурта таъминотини тўлаш тўғрисида қарор қабул қилиш тергов ёки суд жараёни тугагунга қадар кечиктирилиши мумкин.

12.14. Суғурта таъминотини тўлашни рад этиш тўғрисидаги қарор Суғурта қилдирувчига/Суғурта қилинган шахсга/Наф олувчига ёзма шаклда, Суғурталовчига суғурта таъминотини тўлаб бериш учун мурожаат этган пайтдан эътиборан 15 (ўн беш) календарь куни ичида, ушбу Суғурта қоидаларида белгиланган тартибда хабар қилинади, ва у рад этишнинг асослантилган сабабларини ичига олиши лозим.

### **13-БЎЛИМ. СУҒУРТА ТАЪМИНОТИНИ АМАЛГА ОШИРИШ ТАРТИБИ**

13.1. Суғурта таъминоти Суғурталовчи ва суғурта таъминотини олишга ҳақли бўлган шахс томонидан имзоланган Суғурта ҳодисаси тўғрисидаги далолатнома асосида Суғурталовчи томонидан суғурта воқеаси суғурта ҳодисаси деб тан олинган пайтдан эътиборан 15 (ўн беш) календарь куни ичида амалга оширилади.

13.2. Суғурта таъминоти Ўзбекистон Республикасининг миллий валютаси – сўмда, харажатлар амалга оширилган чет эл валютасига нисбатан суғурта мукофоти тўланадиган санада Ўзбекистон Республикаси Марказий банки томонидан белгиланган курс бўйича, Аризачининг (Суғурта қилдирувчининг/Суғурта қилинган шахснинг/Наф олувчининг) банкдаги ҳисобварағига бир йўла пул ўтказиш йўли билан амалга оширилади.

13.3. Агар харажатлар амалга оширилган чет эл валютаси курси Ўзбекистон Республикаси Марказий банки томонидан белгиланмаган бўлса, у ҳолда тарафлар томонидан ушбу чет эл валютасининг Ўзбекистон Республикаси миллий валютаси – сўмга нисбатан курснинг белгиланиши манбаси аниқланади ва ушбу ҳол Суғурта ҳодисаси тўғрисидаги далолатномада кўрсатилади.

13.4. Ушбу Суғурта қоидаларининг 9-бўлими бўйича суғурта таъминоти Ўзбекистон Республикасининг миллий валютаси – сўмда, Еврога нисбатан суғурта мукофоти тўланадиган

санада Ўзбекистон Республикаси Марказий банки томонидан белгиланган курс бўйича, Наф олувчининг банкдаги ҳисобварағига бир йўла пул ўтказиш йўли билан амалга оширилади.

13.5. Суғурта қилинган шахсга кўрсатилган хизматлар учун Суғурталовчи томонидан муассасага тўланган ҳар бир тўлов Суғурта дастурига киритилган ҳар бир хизмат бўйича суғурта суммасини тўланган тўлов миқдорига камайтиради.

13.6. Суғурталовчи томонидан битта ёки бир нечта суғурта ҳодисаси бўйича амалга оширилган суғурта тўловининг/суғурта таъминотининг умумий миқдори Суғурта дастурига киритилган ҳар бир хизмат бўйича суғурта суммаси миқдоридан ошмаслиги лозим.

13.7. Суғурта таъминоти амалга оширилгандан сўнг, ушбу Суғурта қоидаларининг 12.6-бандда кўрсатилган ҳужжатларнинг асли Суғурта қилдирувчига/Суғурта қилинган шахсга/Наф олувчига қайтарилмайди.

#### **14-БЎЛИМ. ПОЛИСНИНГ ТУГАТИЛИШИ ВА БЕКОР ҚИЛИНИШИ**

14.1. Полис Суғурта қилдирувчининг ёзма аризасига биноан исталган пайтда муддатидан олдин бекор қилиниши мумкин.

14.2. Суғурта мукофотини тўлиқ/қисман қайтариш Суғурта қилдирувчи томонидан Полис Суғурталовчига қайтарилиши шarti билан ҳисобварақга (пластик картага, банкдаги ҳисобварағига ёки талаб қилиб олинадиган ҳисобварақга) пул маблағларини бир йўла ўтказиш йўли билан қўйидаги тартибда ва ҳолларда амалга оширилади:

14.2.1. агар Суғурта қилдирувчи Полиснинг амал қилиш даврининг бошланишига қадар суғурта қилишдан воз кечган бўлса, Суғурталовчи унга тўланган суғурта мукофотини тўлиқ ҳажмда қайтаради;

14.2.2. агар Суғурта қилдирувчи Полиснинг амал қилиш даврининг бошланишидан кейин суғурта қилишдан воз кечган бўлса, Суғурталовчи унга ҳали муддати ўтмаган суғурта даври учун суғурта мукофотини қайтаради;

14.2.3. агар Суғурталовчи шахс хорижда бўлиши муддати ўзгарганлиги муносабати билан хориждан муддатидан аввал қайтиб келса, Суғурталовчи унга фойдаланилмаган суғурта даври учун суғурта мукофотининг 85 (саксон беш) фоизини қайтариб беради;

14.2.4. ушбу Суғурта қоидаларининг 14.3.1-14.3.2-бандларида назарда тутилган барча юқорида қайд этилган ҳолатлар бўйича Суғурта қилдирувчи томонидан Полиснинг қоғоздаги иккита асл нусхаси тақдим этилади. Шенген битими мамлакатларида амал қилиш ҳудудида расмийлаштирилган Полис қайтарилган тақдирда, Суғурта қилдирувчи Европа органлари томонидан берилган, виза берилиши рад этилганлигини тасдиқлайдиган хатнинг аслини тақдим этиши лозим.

14.2.5. ушбу Суғурта қоидаларининг 14.2-бандида назарда тутилган барча юқорида қайд этилган ҳолатлар бўйича Полис Шенген битими мамлакатларига 92 (тўқсон икки) кунгача бўлган муддатга расмийлаштирилган Суғурта қилдирувчиларга суғурта мукофоти ёки унинг қисмини қайтаришда Полис амал қилиши муддатининг мазкур Суғурта қоидаларининг 4.5-бандига мувофиқ қўшимча киритилган охириги 15 (ўн беш) куни ҳисобга олинмайди.

14.3. Полис Суғурта қилдирувчининг аризасига биноан бекор қилинганда суғурта мукофотини қайтариш шундай ариза олинган пайтдан эътиборан 5 (беш) иш куни ичида у тўланган валютада амалга оширилади.

14.4. Суғурта мукофоти қўйидаги ҳолларда қайтарилмайди:

14.4.1. агар суғурта даври мобайнида ушбу Суғурта қоидаларида кўрсатилган суғурта ҳодисаси рўй берган бўлса ва Суғурталовчи у бўйича ўз мажбуриятларини бажарган ёки бажараётган бўлса;

14.4.2. Суғурта қилинган шахснинг паспортида саёҳатга чиқиш учун амал қилувчи виза мавжуд бўлса ва Полиснинг мавжудлиги айрим ҳолатларни истисно қилган ҳолда мазкур визани олиш учун талаб этилган бўлса;

14.4.3. Суғурта қилдирувчи Полисда кўрсатилган суғурта даври тугаганидан сўнг суғурта қилишдан воз кечиши тўғрисида баён қилган бўлса.

#### 15-БЎЛИМ. БОШҚА ШАРТЛАР

15.1. Тарафлар ўз зиммасига олган мажбуриятларни бажармаганлиги ёки лозим даражада бажармаганлиги учун Ўзбекистон Республикасининг амалдаги қонунчилигига мувофиқ жавобгар бўлади.

15.2. Полисда ва ушбу Суғурта қоидаларида назарда тутилган масалалар бўйича ёки унга боғлиқ бўлган, шу жумладан уни бажарилиши ёки бузилишига тааллуқли масалалар бўйича низолар, талаблар ёки келишмовчиликлар юзага келган тақдирда, тарафлар уларни музокаралар йўли билан ҳал этиш чораларини кўради.

15.3. Низолар, талаблар ёки келишмовчиликларни музокаралар йўли билан ҳал этиш мумкин бўлмаган тақдирда, улар Ўзбекистон Республикасининг амалдаги қонунчилигига мувофиқ ҳал этилиши лозим.

15.4. Агар бирор-бир юзага келган вазиятлар (ҳолатлар) Полисда ёки ушбу Суғурта қоидаларида ўз аксини топмаган бўлса, Суғурталовчи ўз ихтиёрига кўра ўзаро муроसाга келувчи қарор қабул қилишга ҳақли.

15.5. Суғурта қоидаларини ўзбек, рус ёки инглиз тилларида талқин қилишда тафовутлар юзага келган тақдирда, Суғурта қоидаларининг рус тилидаги матни устувор кучга эга бўлади.

**GROSS**

INSURANCE



